

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 456497 23 St
Tuzla, 29.11.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „MERCERIA“ d.o.o. export-import Tuzla, ulica M. M. Dizdara, Stupine B-6, L-5, nakon provedenog stečajnog postupka, donio je dana 29.11.2024. godine sljedeće:

RJEŠENJE

OTVARA SE stečajni postupak nad imovinom dužnika „MERCERIA“ d.o.o. export-import Tuzla, ulica M. M. Dizdara, Stupine B-6, L-5, matični broj subjekta 1-1683, JIB: 4209074010009, račun broj; 3383002250273628 otvoren kod Unicredit banka d.d.

Za stečajnog upravnika imenuje se Alem Hodžić iz Srebrenika.

ZAKLJUČUJE SE stečajni postupak nad imovinom dužnika „MERCERIA“ d.o.o. export-import Tuzla, ulica M. M. Dizdara, Stupine B-6, L-5, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 456497 23 St od 02.02.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „MERCERIA“ d.o.o. export-import Tuzla, ulica M. M. Dizdara, Stupine B-6, L-5, a za privremenog stečajnog upravnika imenovana je Alem Hodžić iz Srebrenika, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 11.03.2024. godine. Iz izvještaja privremenog stečajnog upravnika i navoda datih na ročištu proizilazi da društvo ne posluje od 2014. godine, od kada ne ostvaruje prihode i nije u stanju izmirivati dospelje i potraživane obaveze. Tokom 2013. godine su blokirana dva bankovna računa društva da bi posljednjih račun bio blokirao 2018. godine, a radi se o deviznom računu. Poslovne knjige su vođene zaključno sa 31.12.2013. godine, a nakon toga su samo prenošena stanja iz prethodnih godina, a da su u poreznom bilansu evidentirane promjene po osnovu naknada za plate direktoru društva. Prema knjigovodstvenim evidencijama društvo ima neizmirene i potraživane obaveze u iznosu od 233.960,84 KM (neto iznos bez obračuna zakonskih zateznih kamata) od čega se iznos od 53.265,73 KM odnosi na obaveze prema PU F BiH iznos od 14.412,69 KM na obaveze prema UIO BH, iznos od 88.466,32 KM na obaveze prema dobavljačima u zemlji, iznos od 75.778,41 KM na plate i naknade, iznos od 31.117,70 KM na kredite i iznos od 29.080,01 KM na ostale obaveze. Društvo nema bilo kakve imovine iz kojih bi se mogli namiriti troškovi stečajnog postupka i potraživanja povjerilaca uz napomenu da je u poslovnim knjigama navedeno da društvo ima pokretnu imovinu (materijal na zalihama i ostalu pokretnu imovinu) u iznosu od cca 72.500,00 KM, kao i potraživanja po poslovnim transakcijama u iznosu od 52.099,00 KM, međutim da ovo knjigovodstveno stanje ne odgovara stvarnom stanju s obzirom da nije pronađena ili utvrđena bilo kakva pokretna imovina u vlasništvu stečajnog dužnika i da je postojala obaveza da se u poslovnim knjigama otpišu zalihe materijala koje ne postoje čime bi se

knjigovodstveno stanje uskladilo sa stvarnim stanjem, dok sva potraživanja datiraju najkasnije sa 2013. godinom, tako da su ista odavno zastarjela i kao takva ne naplativa. Na dan pokretanja prethodnog postupka društvo nema prijavljenih zaposlenika, svi radnici su odjavljeni kod PU F BiH u periodu 2011-2013. godina, a direktor društva je odjavljen sa danom 21.11.2023. godine.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka, a direktor društva je stupanjem na snagu novog zakona o stečaju i po saznanju da je u roku od 60 dana od nastanka platežne nesposobnosti obavezan podnijeti prijedlog preduzeo radnje radi prikupljanja dokumentacije te je podnio prijedlog.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 04.12.2023. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 17.04.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 32/24 dana 03.05.2024. godine, oglasnoj tabli suda dana 18.04.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.